

張仲景金匱要畧論証卷十七

攜李徐

彬忠可甫著

門人包景辰舍章父軫

嘔吐噦下利病脉證治第十七

論一首 脉證二十七條
方二十三首

夫嘔家有癰膿不可治嘔膿盡自愈

証曰嘔家之因不同客寒傷胃或痰壅氣逆氣有

餘卽是火故內經曰諸嘔吐酸皆屬於熱故行痰

降逆清火溫中皆可若有癰膿則榮分熱而非氣

分熱矣。因而亦嘔。此毒盛也。以治嘔法。治之行痰降逆。因爲無益。而積熱成毒。尚堪溫熱乎。故曰不可治嘔。然卽不治嘔。不因氣。由於榮分熱毒。則膿盡而邪衰。邪衰而嘔止。故曰膿盡自愈。

先嘔却渴者。此爲欲解。先渴却嘔者。爲水停心下。此屬飲家。嘔家本渴。今反不渴者。以心下有支飲故也。此屬支飲。

註曰。此二條言嘔渴必相因。故可於先後辨其水。於反不渴。知其飲。示人治嘔中有辨飲之法也。謂

此已下詳
疏嘔因之
不同治法
迴響也

先嘔者內有惡涎也。涎盡而渴。病氣已解。若先渴則必多飲。飲多卽同惡涎。因而不嘔。知水停心下。乃驟至之病。未必在偏僻處矣。故但曰此屬飲家。然多嘔則必傷津。故渴爲嘔家。必然之理。今反不渴。若非心下原有偏着之飲氣。潤其燥火。則渴何能免。但飲果在中之孔道。豈有不與嘔俱出。則知此飲不在孔道矣。故曰此爲支飲。支者偏旁而不正中也。

問曰病人脈數數爲熱。當消穀引飲。而反吐者何也。

師曰以發其汗令陽微膈氣虛脉乃數數爲客熱不能消穀胃中虛冷故也脉弦者虛也胃氣無餘朝食暮吐變爲胃反寒在于上醫反下之令脉反弦故名曰虛

註曰此論嘔吐之脉從誤汗來則初脉或見數誤下則反弦也謂數脉不外君相二火所以寸數咽喉口舌生瘡或吐紅欬嗽肺癰兩關數則胃火或肝火尺數則陰虛或相火故曰數爲熱當消穀引飲而反吐爲疑以數脉必主于熱也不知虛亦能

使脉數况見吐症吐爲一時膈病而脉數則非君
相二火明甚因推其致病之由曰以發其汗汗則
傷陽而陽氣微人身唯真陽氣足如太陽中天令
人溫和調適陽虛則燥火乘之故曰膈氣虛脉乃
數數旣非本然之陽和則爲客熱客熱則病胃何
能助胃消穀名曰熱其實無陽不能運之使下故
曰胃中虛冷故也若脉更見弦是胃中之陽氣不
充而結故曰胃氣無餘無餘者胃氣無餘力勝穀
氣也因而朝食暮吐見胃未嘗不受穀受不能消

則變爲胃反其原由寒在上焦本當溫胃助其消
導又誤下之則陽之微者反見弦狀所謂弦則衛
氣結故曰虛也

寸口脉微而數微則無氣無氣則榮虛榮虛則血不
足血不足則胸中冷

註曰此段推原胃中虛冷之故故于寸口脉證之
謂寸口主上焦微則胸中少元陽之氣榮氣隨衛
氣者也血卽榮之成流者也無氣以引滿其榮氣
而榮虛虛則血少不能如平人之充盛而不足矣

雖陰火炎而見數象胸中之榮衛實虛元陽大虧
焉得不冷

跌陽脉浮而濇浮則爲虛虛則傷脾脾傷則不磨朝
食暮吐暮食朝吐宿穀不化名曰胃反脉緊而濇其
病難治

註曰吐乃胃家病脾氣通於胃跌陽者脾胃脉也
故復以跌陽診之謂跌陽脉浮而且濇土主中州
不沉不浮今太浮則知其虛矣蓋虛則脾胃氣不
交而脾陰傷不能固結其氣故脉浮濇正旣虛則

失醞釀之本故不磨因而朝暮之間不能容穀宿而不化此胃反之由然其脉不緊則胃氣尚能勝邪若又加緊而瀉緊爲寒邪瀉爲液竭正不勝邪故曰難治

病人欲吐者不可下之

註曰此因上文論吐故推及之治病之法貴因勢利道故內經曰在上者越之在下者引而竭之言病欲上吐不可強之使下凡病皆然故曰病人欲吐者不可下之是槩言非止反胃而反胃在其中

此與上條
照看吐嘔
本相類註
者禁吐嘔
而腹滿則
又宜利矣

噦而腹滿視其前後知何部不利利之即愈噦字恐是嘔字

註曰已下數條皆論嘔此首條恐亦是論嘔謂嘔
乃中上焦病不應與腹滿並見然而腹滿明是積
滯在腹上蒸于胃不安而嘔邪在腹則宜下故曰
視其前後部前後者大小便也因不利而利之則
病隨利減而愈

嘔而胸滿者茱萸湯主之

註曰胸乃陽位嘔為陰邪使胸之陽氣足以禦之
則未必嘔嘔亦胸中無恙也乃嘔而胸滿是中

邪乘虛襲胸不但胃不和矣虛邪屬陰故以茱萸
之苦溫善驅濁陰者爲君人參補虛爲佐而以薑
棗宣發上焦之正氣也

茱萸湯方

吳茱萸

升

人參

三兩

生薑

六兩

大棗

十二枚

右四味以水五升煮取三升溫服七合日三服

乾嘔吐涎沫頭痛者茱萸湯主之

方見前

註曰乾嘔者有聲無物也物雖無而吐涎沫仲景
曰上焦有寒其口多涎上焦既有寒寒爲陰邪格

陽在上故頭痛比胸滿而嘔似有在上在下不同然邪必乘虛故亦用茱萸湯兼溫補以驅濁陰謂嘔有不同寒則一也

嘔而腸鳴心下痞者半夏瀉心湯主之

許曰嘔本屬熱然而腸鳴則下寒而虛痞者陰邪搏飲結于心下卽傷寒論所謂胃口不和腹中雷鳴也故主半夏瀉心湯用參甘棗以補中乾薑以溫胃洩滿半夏以開痰飲而以芩連清熱且苦寒亦能洩滿也親見一乳母吐嘔五日百藥不能止

後服乾薑黃連二味立止卽此方之意也

半夏瀉心湯方

半夏半升 黃芩三兩 乾薑三兩 人參三兩

黃連一兩 大棗十枚 甘草三兩

右七味以水一斗煮取六升去滓再煮取三升溫服一升日三服

乾嘔而利者黃芩加半夏生薑湯主之

註曰傷寒論苓甘棗芍四味爲黃芩湯治太陽少陽合病蓋太少之邪合而內入則協熱而利故以

黃芩爲主也。然邪既內入，或有復搏飲者，嘔多，此其明證矣。故加半夏生薑。

黃芩加半夏生薑湯方

黃芩

三兩

甘草

二兩

芍藥

一兩

大棗

十二故

半夏

半觔

生薑

三兩

右六味以水一斗，煮取三升，去滓，溫服一升，日再

夜一服。

諸嘔穀不得下者，小半夏湯主之。

方見痰飲中

註曰：嘔固屬火，然使胃中無痰，則食可稍進。至穀

不得下非痰礙之而何痰必由于氣逆故以半夏
生薑降逆開痰

嘔吐而病在膈上後思水者解急與之思水者猪苓
散主之

註曰嘔吐兼心腹等證原非嘔吐本證也以當言
之其病在膈上大約邪熱搏飲至于思水則飲邪
去故曰解急與之恐燥邪不堪也然元陽未復正
須防停飲再發故以猪苓去水爲君茯苓白朮以
培其正氣不用薑半其嘔已止恐宣之曰二虛氣

卽降逆消痰亦非急務也

猪苓散方

猪苓

茯苓

白朮

各等分

右三味杵爲散飲服方寸七日三服

嘔而脉弱小便復利身有微熱見厥者難治四逆湯主之

註曰此舍標治本之法也。謂嘔而有微熱乃表邪欲出之象。然而脉弱則內虛矣。小便利知非下焦有熱甚且見厥是少陰之寒邪復重矣。則前之嘔

與熱乃有表而甚微者若更兼治其火與飲則下益寒故曰難治而以四二三主之竟從少陰病治法剗其本寒則真陽得助而微表自解故附子生用有發散之義也

四逆湯方

附子

一枚
生用

乾薑

一兩
半

甘草

二兩
炙

右三味以水三升煮取一升二合去滓分溫再服
強人可大附子二枚乾薑三兩

嘔而發熱者小柴胡湯主之